

28 Mei 2023



Saul se ongelooft



Ons teks vir die week:

Hebreërs 5:8

**Hy (Jesus), al was Hy die Seun, het
gehoorsaamheid geleer uit wat Hy gely het;**

**1 Samuel 8:
Israel wil 'n koning hê**

- 1 En toe Samuel oud was, het hy sy seuns as rigters oor Israel aangestel
- 3 Maar sy seuns het nie in sy weë gewandel nie: **hulle het onregverdige wins agternageloop en omkoopgeskenke aangeneem en die reg verdraai.**
- 4 Toe kom al die oudstes van Israel bymekaar, en hulle gaan na Samuel in Rama
- 5 en sê vir hom: Kyk, u is oud, en **u seuns wandel nie in u weë nie; stel nou 'n koning oor ons aan om ons te rig soos by al die nasies.**
- 6 Maar **die woord was verkeerd in die oë van Samuel** toe hulle gesê het: Gee ons 'n koning om ons te rig, en **Samuel het tot die HERE gebid.**
- 7 Toe **sê die HERE** vir Samuel: **Luister na die volk** in alles wat hulle aan jou sê, want nie jou het hulle verwerp nie, **maar My het hulle verwerp om nie koning oor hulle te wees nie.**
- 8 Soos al die werke wat hulle gedoen het, **van dié dag af dat Ek hulle uit Egipte laat optrek het** tot vandag toe, dat hulle My verlaat en ander gode gedien het—so doen hulle ook met jou.
- 9 Luister dan nou na hulle: **jy moet hulle net ernstig waarsku en hulle die reg van die koning meedeel wat oor hulle sal regeer.**

Samuel waarsku volk teen koning

- 10 Samuel het toe al die woorde van die HERE oorgebring aan die volk wat 'n koning van hom gevra het.
- 11 En hy het gesê: **Dit sal die reg wees van die koning wat oor julle sal regeer: Julle seuns sal hy neem en hulle vir homself aanstel by sy wa en by sy perde, dat hulle voor sy wa uit hardloop;**
- 12 **en om hulle vir homself aan te stel as owerstes oor duisend en owerstes oor vyftig, en om sy land te ploeg en om sy oes in te samel, en om sy oorlogswapens en gereedskap vir sy strydwaens te maak.**

- 13 Ook julle dogters sal hy neem as salfmengsters en as kooksters en baksters.
14 En van julle lande en julle wingerde en julle olyfboorde sal hy die beste neem en aan sy dienaars gee.
15 En van julle saailande en julle wingerde sal hy die tiendes neem en dit aan sy hofdienaars en sy dienaars gee.
16 En julle slawe en slavinne en julle beste jongmanne en julle esels sal hy neem en vir sy werk gebruik.
17 Van julle kleinvee sal hy die tiendes neem, en self sal julle sy slawe wees.
18 **En in dié dag sal julle roep vanweë jul koning wat julle vir jul verkies het, en die HERE sal julle in dié dag nie verhoor nie.**

God laat Israel toe om koning te kies

- 19 Maar die volk het geweier om na Samuel te luister en gesê: Nee, maar **daar moet 'n koning oor ons wees**,
20 dat ons ook kan wees soos al die nasies—dat ons koning ons kan rig en voor ons uit trek en ons oorloë voer.
21 En Samuel het al die woorde van die volk aangehoor en dit voor die ore van die HERE uitgespreek.
22 Toe sê die HERE vir Samuel: **Luister na hulle en stel 'n koning oor hulle aan.** En Samuel het vir die manne van Israel gesê: Gaan heen, elkeen na sy stad.

1 Sameul 9, 10

Saul soek na sy pa se esels, en gaan soek die “siener” (Samuel) wat vir hom kan sê waar die esels is. Maar God wys aan Samuel dat hy Saul as koning oor Israel moet self – Hy verkondig ook aan Israel die woord van God wat sê “Julle verwerp vandag julle God wat julle uit al jul onheile en node verlos het” – stel dan vir julle 'n koning aan. Samuel voorspel dat Saul vir hom moet wag by Gilgal 1Sam 10:8 En jy moet voor my uit na Gilgal afgaan, **en kyk, ek sal na jou afkom om brandoffers te offer, om dankoffers te slag; sewe dae lank moet jy wag, totdat ek by jou kom en jou bekend maak wat jy moet doen.**

1 Samuel 11

Saul en sy manne maak oorlog teen die Ammoniete en verslaan hulle

1 Samuel 12

Samuel doen verslag oor sy werk en oor God se hand oor die Israeliete. Samuel waarsku die Israeliete om na die Here te luister, Hom te dien en nie wederstrewig te wees teen God nie.

1 Samuel 13

Saul se seun Jonatan val die Filistyne se wagpos aan en nou haat die Filistyne Israel. Toe maak koning Saul die manne bymekaar om oorlog te maak teen die Filistyne. Toe sien Israel hulle is nou in die moeilikheid -

7 En die Hebreërs het die Jordaan deurgetrek na die land Gad en Gílead; maar Saul was nog in Gilgal met al die manskappe wat bewende agter hom aan gegaan het.

8 En hy het sewe dae lank gewag, tot die tyd wat Samuel bepaal het; maar toe Samuel nie na Gilgal kom nie en die manskappe van hom af verstrooid raak,

9 **het Saul gesê: Bring na my die brandoffer en die dankoffers; en hy het die brandoffer geoffer.**

10 En toe hy net gereed was om die brandoffer te bring, kom Samuel meteens daar aan; en Saul het uitgegaan hom tegemoet om hom te groet.

11 Daarop vra Samuel: Wat het jy gedoen? En Saul sê: Ek het gesien dat die manskappe verstrooid raak van my af; en toe u nie kom op die afgesproke tyd nie, terwyl die Filistyne in Migmas bymekaarkom,

12 het ek gesê: Nou sal die Filistyne na my toe aftrek in Gilgal, **en ek het die aangesig van die HERE nie om genade gesmeek nie; daarom het ek myself sterk gehou en die brandoffer gebring.**

13 **Toe sê Samuel vir Saul: Jy het dwaas gehandel, jy het die gebod van die HERE jou God wat Hy jou beveel het, nie gehou nie; want anders sou die HERE jou koningskap oor Israel vir goed bevestig het.**

14 Maar nou sal jou koningskap nie bestaan nie. Die HERE het vir Hom 'n man na sy hart gesoek; en die HERE het hom as vors oor sy volk aangestel, omdat jy nie gehou het wat die HERE jou beveel het nie.

....16 Terwyl Saul en sy seun Jónatan en die manskappe wat by hulle aanwesig was, in Geba in Benjamin bly en die Filistyne by Migmas laer opslaan...(daar was geen smede in die land van Israel nie, want die Filistyne het gesê: Anders kan die Hebreërs swaarde of spiese maak en al die Israeliete moes na die Filistyne gaan om hulle ploeg gereedskap skerp te maak, so het hulle in oorlogstyd geen skerp swaard of spies gehad nie....maar Saul en sy seun Jónatan het skerp wapens gehad.

1 Samuel 14

Nog oorlog, Saul verbied die manne om te eet voor die aand, Jonatan ignoreer sy pa se opdrag en eet bietjie heuning, daarna ook al die manne, en hulle het krag gekry en die Filistyne verslaan – maar toe vat hulle die kleinvee, beeste en kalwers en slag dit **en eet dit met bloed en al** – dit is sonde teen die Here, toe bou Saul 'n altar en bevel die manne om die Filistyne agterna te sit – maar die priester se nee, hulle moet tot God nader.

1Sam 14:37 Toe het Saul God geraadpleeg: Sal ek aftrek agter die Filistyne aan? Sal U hulle in Israel se hand gee? Maar Hy het hom dié dag nie geantwoord nie.

1 Samuel 15

Die Here gee deur Samuel vir Saul opdrag om Amalek te verwoes, en al hulle vee en alles – hulle mag niks vat nie, omdat Amalek in Israel se pad gestaan het toe die Here hulle uit Egipte uitgelei het +-400 jaar vantevore!!!

MAAR Saul het die koning van Amalek se lewe gespaar en al die vee en kleinvee – hy is ongehoorsaam aan God!!

Toe sê Saul hulle het die vee gevat om aan God te offer - 1Sam 15:22-23 **Daarop sê Samuel: Het die HERE behae in brandoffers en slagoffers soos in gehoorsaamheid aan die stem van die HERE? Kyk, om gehoorsaam te wees is beter as slagoffer, om te luister beter as die vet van ramme. Want wederstrewigheid is 'n sonde van waarsêery, en eiesinnigheid is afgodery en beelddiens. Omdat jy die woord van die HERE verwerp het, het Hy jou as koning verwerp. – Die Here het berou gehad dat Hy Saul koning gemaak het!!**

Van hoofstuk 15 – 28, is Saul onttroon, Dawid word koning, Sal vervolg Dawid om hom te probeer doodmaak, Dawid spaar Saul se lewe to hy kans kry om Hom dood te maak. Toe kom daar weer oorlog tussen Israel en die Filistyne is doodbang, hy raadpleeg die Here, maar die Here antwoord hom nie. Toe gaan Saul na die towerheks van Endor toe en toe verskyn Samuel self uit die dood.

In dieselfde oorlog teen die Filistyne, maak hulle 3 van Saul se seuns dood en Saul BEWE VAN ANGS!!!, want hy weet God is nie meer met hom nie. Toe bevel hy sy wapendraer om hom dood te maak, maak hy wou nie.

Toe pleeg Saul selfmoord!!!

Onthou altyd – die mense wat ongered is, het geen toevlug in tyd van nood nie.
Dan oorval ANGS hulle en hulle het geen rus vir hulle siele nie!